



Judicial System Monitoring Programme
Programa Monitorizasaun Sistema Judiciáriu

JSMP ho Grupo Media Nasionál prolonga tan akordu divulgasaun informasaun justisa no prosesu lejislativu ba tinan ida tan

Ohin 12 Janeiru 2015, equipa JSMP hasoru malu ho Diretór Diario Nasionál hodi koalia kona-ba renovasaun Nota ba Entedementu (MoU) ne'ebé sei prolonga tan ba tinan ida, hahu Janeiru-Dezemburu 2015.

Objetivu prinsipal hodi prolonga tan akordu ne'e mak atu kontinua ajuda soseidade asesu ba informasaun legál, direitu umanus, justisa no prosesu lejislasaun iha Timor-Leste. Liu-liu kona-ba progeseu saída mak instituisaun judisiáriu no lejislativu sira ne'e atinze no dezafius sira ne'ebé tribunál no parlamentu hasoru, inklui faktu sira ne'ebé akontese iha tribunál no parlamentu, no enkoraza involvimentu públiku iha prosesu harii setór justisa no lejislativu iha Timor Leste.

“Akordu ne'e hanesan komitmentu JSMP atu kontinua fahe informasaun sira liu-liu informasaun kona-ba lalaok sistema justisa formal no oinsa atu kontribui ba prosesu hasae konsensia públiku kona-ba importansia setór justisa no partisipasaun públik iha prosesu dezevolvimentu setór justisa no lejislativu iha Timor-Leste, liuhusi divulgasaun informasaun legál no justisa”, dehan Diretór Ezekutivu JSMP, Luís de Oliveira Sampaio.

Iha parte seluk Diretór Grupo Media Nasionál, José Gabriel, haktuir katak Grupo Media Nasionál sente kontente no hanesan onra boot ida ba Grupo Media Nasionál atu kontinua servisu ho JSMP. Liu-liu tanba informasaun ne'ebé JSMP publika liuhusi Journal Diario Nasionál ne'e importante tebes no ajuda sosiedade hodi asesu ba informasaun sira kona-ba justisa no prosesu lejislasaun iha Timor Leste.

Materia sira ne'ebé sei divulga liuhosi pajina ida iha Jurnal Diari Nasionál ne'e mak inklui, komunikadu imprensa, sumáriu kazu, ka aktualizasaun justisa bazeia ba faktu sira ne'ebé JSMP hetan regularmente iha tribunál no parlamentu sira.

Akordu ne'e estabesele tanba hetan apoiu finanseiru husi doadores The Asia Foudation (TAF) *UNDEF no Embasada Canada iha Indonezia.*

Atu hetan informasaun kompleitu bele kontaktu:

Luis de Oliveira Sampaio
Diretór Ezekutivu JSMP
Diresaun e-mail: luis@jsmp.minihub.org
info@jsmp.minihub.org

Telephone:3323883 | 77295795

Website: www.jsmp.tl

Face book: www.facebook.com/timorleste.jsmp

Twitter: @JSMPtl